



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 05-1- 34-1- 5926
Sarajevo,
23-10-2019

U skladu sa članom 42. i 43. Zakona o državnoj službi u Kantonu Sarajevo ("Službene novine Kantona Sarajevo", broj: 31/16), odredbi Pravilnika o unutrašnjoj organizaciji Ministarstva unutrašnjih poslova Kantona Sarajevo, broj: 01-12-6/17 od 29.06.2017. godine i Pravilnika o izmjenama i dopunama Pravilnika o unutrašnjoj organizaciji Ministarstva unutrašnjih poslova Kantona Sarajevo, broj: 01-12-7/17 od 25.09.2017. godine i broj: 01-07-05-5436/19 od 02.10.2019. godine, objavljuje se

INTERNI OGLAS
za unapređenje državnog službenika

U Ministarstvu unutrašnjih poslova Kantona Sarajevo neophodna je popuna upražnjenog radnog mjesta i to:

1. Načelnik Sektora videonadzora u Sektoru videonadzora, Uprave podrške – 1 izvršilac

Opis poslova: neposredno rukovodi Sektorom i u tom pogledu organizuje rad i stara se o blagovremenom i kvalitetnom obavljanju poslova; stara se o organizaciji i izvršavanju poslova i zadataka u oblasti videonadzornog sistema Ministarstva i Uprave policije; projektira, razvija i održava rješenja videonadzora Ministarstva i Uprave policije, bilo internim resursima, saradnjom s državnim, federalnim, kantonalnim organima ili angažmanom kompanija; uspostavlja, razvija, održava i unapređuje mreže za potrebe sistema videonadzora i radarskih sistema; vodi evidenciju o svim materijalno-tehničkim sredstvima za potrebe funkcionisanja sistema u okviru Ministarstva i Uprave policije; dužan je obezbijediti nesmetan rad sistema videonadzora Ministarstva i Uprave policije; odgovoran je za ostvarivanje saradnje iz djelokruga rada Sektora s telekom operaterima, državnim, federalnim i kantonalnim institucijama, s tim u vezi, uz potrebne konsultacije s pomoćnikom ministra, preduzima odgovarajuće mjere u cilju efikasnog funkcionisanja videonadzornog sistema; prati stručnu osposobljenost inženjera i tehničara i neposredno pomaže u vezi s izvršenjem postavljenih zadataka u oblasti videonadzora; obavlja i druge poslove koje odredi neposredni rukovodilac, za svoj rad i rad organizacione jedinice kojom rukovodi odgovara neposrednom rukovodiocu.



Uslovi za vršenje poslova navedenog radnog mjesta predviđeni su Pravilnikom o izmjenama i dopunama Pravilnika o unutrašnjoj organizaciji Ministarstva unutrašnjih poslova Kantona Sarajevo, broj: 01-07-05-5436/19 od 02.10.2019. godine, i to:

- Stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja (koji se vrednuje sa 240 ECTS studijskih bodova) ili drugog ili trećeg ciklusa Bolonjskog sistema studiranja, završen elektrotehnički fakultet, odsjek za računarstvo i informatiku ili fakultet saobraćaja i komunikacija, najmanje četiri godine radnog staža u struci, položen stručni ispit.

Dokumenti koje je potrebno dostaviti uz prijavu:

- rješenje o postavljenju (trenutnom rasporedu) državnog službenika;
- dokaz o stručnoj spremi;
- dokaz o radnom stažu;
- uvjerenje o položenom stručnom ispitu;
- dokaz o ocjenama rada.

Sa prijavljenim kandidatima će se obaviti intervju.

Svi dokazi se podnose u originalu ili ovjerenom fotokopiji.

Rok za prijavu je 7 (sedam) dana od dana objavljivanja na oglasnoj ploči MUP-a Kantona Sarajevo.

Prijave se dostavljaju MUP-u Kantona Sarajevo, ul. La Benevolencije broj 16 - sa naznakom: "Za interni oglas za unapređenje državnog službenika".

Nepotpune i neblagovremene prijave neće se uzimati u razmatranje.



DOSTAVITI:

1. Oglasna ploča MUP-a Kantona Sarajevo
2. WEB stranica MUP-a KS
3. a/a



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

